

### **Til deg som skal pynte grava**

Foran gravminnet er det høve til å opparbeide eit plantefelt i høgde med bakken omkring.

Det må ikkje vere breiare enn breidda på gravminnet, og ikkje gå lenger fram enn 60 cm frå bakkanten av gravminnet. Det må ikkje plantast blomar og buskar som vert høgare enn gravsteinen eller som går ut over plantefeltet. Det er ikkje høve til å bruke faste dekorting, så som liggjande plater, blomsterurner, lykter m.v. i plantefeltet. Det er ikkje lov å ramme inn grava eller deler av ho med hekk, stein eller jern.

Det kan rammast inn av ei treramme, og kan vere like breidt som gravminnet og stikke fram opp til 60 cm frå bakkanten av gravminnet. Det er høve til å pynte med krans, lykt, blomsterbukett m. m., men slike lause pyntegenstandar skal takast bort etter bruk. Avfall skal kastast på tilviste stader; jord og planterestar for seg og anna avfall for seg.

Plantefelt der det ikkje vert planta, skal såast til slik at det er grasbakke på alle sider av gravminnet. På kyrkjekontoret er det mogleg å gjere avtale om planting og stell av plantefelt mot betaling.

### **Til deg som skal betale avgifter til kyrkjegarden**

Ei urnegrav og ei enkel kistegrav er fri for betaling i fredningstida, men det kostar kr. 75.- pr. år å feste ei grav ved sida av den som vert tatt i bruk. Avgifta forfell til betaling for 5 år om gangen, dvs. at ein betaler kr. 375.- pr. grav for ein 5-årsperiode.

For dei som ikkje hadde heimen sin i Kviteseid kommune, er betalingsreglane noko annleis. Kyrkjekontoret kan gje nærare opplysningar om dette.

### **Til deg som skal besøkje kyrkjegarden**

Alle er velkomne til å besøkje kyrkjegardane i Kviteseid, men opphold og ferdsel må skje på ein verdig og sømeleg måte, i tråd med eigenarten rundt desse gravstadene. Besøkjande skal så langt det er mogleg ferdast gåande, og hundar skal førast i band.

Denne orienteringa er utarbeidd på bakgrunn av lov om kyrkjegardar, kremasjon og gravferd (gravferdslova) av 7. juni 1996, forskrifter til gravferdslova og vedtekter for kyrkjegardane i Kviteseid.

Desse dokumenta finst på kyrkjekontoret.

Kviteseid, 30. mai 2003, (Korrigert avgift 9.1.12)

## **PUBLIKUMSINFORMASJON**

# **KYRKJEGARDANE I KVITSEID**



**Ei orientering til deg som har eller vil få eit forhold til kyrkjegardane.**

### **Til deg som skal sørge for gravferda**

Etter ordlyden i gravferdslova er det *ein* person blant dei pårørande som skal sørge for gravferda. Vedkomande skal ta nødvendige avgjerder om kvar den avdøde skal gravleggjast - dersom det kan bli tale om ulike stader, kva for gravferdshandling som skal velgjast og dessutan om kven som skal vere ansvarleg eller festar for grava. Den som sørger for gravferda, bør så langt som råd respektere ønske frå den avdøde, men når det gjeld kremasjon, krevst det at viljen til avdøde vert følgt. Veiledning om kven som kan sørge for gravferda, vert gjeve av kyrkjekontoret.

### **Til deg som skal velge ny grav**

Den som har hatt heimen sin i Kviteseid kommune, kan få grav på kva kyrkjegard som helst innan kommunen - med unntak for gravstader ved Kviteseid gamle kyrkje. Dette gjeld òg sjølv om avdøde på grunn av sjukdom eller alderdom har budd i ein annan kommune mot slutten av livet. Dei som ikkje har hatt heimen sin i kommunen, kan gravleggjast her etter nærare avtale med kyrkjekontoret. Men val av gravtype kan vere avhengig av om gravferda skjer ved kremasjon eller ikkje.

Ved gravlegging av kiste kan ein anten velje *enkel kistegrav* eller *festa gravsted*.

Ei enkel kistegrav gjev plass til ei kiste og er fri for betaling så lenge ho er freda, dvs. i 20 år. Dersom det er ønske om å setje opp gravminne på grava, må den som sørger for gravferda, oppnemne ein ansvarleg for grava. Ein festa gravstad inneheld som regel to graver og gjev difor plass til to kister. Etter søknad kan det innvilgast tre. Den grava som vert tatt i bruk, er fri for betaling så lenge ho er freda, dvs. i 20 år. Dei øvrige gravene skal festast mot betaling frå første stund. Den som sørger for gravferda, må oppnemne ein festar til gravstedet.

Ved kremasjon kan ein velje *urnegrav*. Denne gjev plass til fire urner og er fri for betaling så lenge ho er freda, dvs. i 20 år. Det er ikkje høve til å feste fleire urnegraver saman. Dersom det er ønske om å setje opp gravminne på grava, må den som sørger for gravferda, oppnemne ein ansvarlig for grava.

Alle graver kan opprethaldast som festegraver i inntil 60 år etter siste gravlegging.

Festeavgift forfell til betaling kvart 5 år.

### **Til deg som ønskjer å nytte ein eksisterande gravstad**

Når det er ønske om å bruke ein eksisterande gravstad, må den som sørger for gravferda, først og fremst innhente samtykke frå festaren av gravstaden. Dertil må det sjølv sagt vere ledig grav; dvs. grav som ikkje er brukt eller grav som er så gamal at ho ikkje lenger er freda; for kistegrav 20 år og for urnegrav 20 år.

Ein eksisterande gravstad kan festast i 5 årsperiodar i inntil 60 år etter siste gravlegging.

### **Til deg som vil vere til stades ved urnenedsetting**

Når ei kiste vert gravlagt, er ein alltid til stades ved grava under handlinga. Men når ei urne skal gravleggjast, er ikkje det sjølv sagt. Det må meldast til kyrkjekontoret dersom ein vil vere til stades. Då avtalast òg tidspunkt for gravlegginga. Urna skal i alle høve gravleggjast innan seks månader etter dødsfallet.

### **Til deg som skal ordne med gravminne**

Det er høve til å setje opp eitt gravminne på kvar gravstad, og det kan skje tidlegast 6 månader etter gravferda. I mellomtida ordnar kyrkjegarden med eit merke med navn på avdøde. Når jorda på ei kistegrav har sunke tilstrekkeleg, vil kyrkegardsarbeidarane sørge for planering og tilsåing. Ein bør ta seg god tid ved val av gravminne, og kyrkjekontoret skal godkjenne dette før oppsetting. Den som er ansvarleg for frigrav eller festar av gravstad, er ansvarleg for at gravminnet ikkje er i forfall.

Gravminnet kan forsynast med tekst, symbol, dekor eller fotografi. Alt skal vere sømeleg, og namn som settest på, skal vere identisk med den avdøde som er gravlagt i gravstaden.

Gravminnet skal vere solid og tåle dei påkjenningane det utsettest for ved vanleg drift og vedlikehald av kyrkjegarden. Lykter, duer og andre pyntegjenstandar på gravminnet kan berre brukast når dei er like solide som sjølve gravminnet.

Eit gravminne skal sikrast med forskriftsmessig fundament og stålboltar som bind saman fundament og gravminne. Det bør ikkje vere breiddare en 85 cm.

Gravminne på ny kistegrav skal plasserast i bakkant av grava og skal bli ståande der sjølv etter at den neste grava i gravstaden er tatt i bruk.